

Պ Ա Յ Մ Ա Ն Ա Գ Ի Ր Ն__

**ՆՈՐ ԲԱԺԱՆՈՐԴԻ ԿԱՄ ԲԱԺԱՆՈՐԴԻ ՎԵՐԱԿԱՌՈՒՑՎՈՂ ԳԱԶԱՍՊԱՌՄԱՆ
ՀԱՄԱԿԱՐԳԸ ԳԱԶԱՄԱՏԱԿԱՐԱՐՄԱՆ ՑԱՆՑԻՆ ՄԻԱՑՄԱՆ**

_____ «__» _____ 20 թվական
(կնքման վայրը)

Նոր բաժանորդը կամ կառուցապատողը, կամ գազասպառման համակարգը
վերակառուցող բաժանորդը (այսուհետ՝ Պատվիրատու),

_____,
(անունը, ազգանունը, հայրանունը կամ կազմակերպության անվանումը)

ի դեմս _____,
(անունը, ազգանունը, պաշտոնը)

որը գործում է _____ հիման վրա,
(գործունեությունը կարգավորող փաստաթղթի անվանումը)

մի կողմից,
Մատակարարը՝ _____,
(կազմակերպության անվանումը)

(մասնաճյուղի անվանումը)

ի դեմս _____,
(անունը, ազգանունը, պաշտոնը)

որը գործում է _____ հիման վրա,
(գործունեությունը կարգավորող փաստաթղթի անվանումը)

մյուս կողմից, և

Վճարում կատարողը՝ _____,
(կազմակերպության անվանումը)

ի դեմս _____,
(անունը, ազգանունը, պաշտոնը)

որը գործում է _____ հիման վրա,
(գործունեությունը կարգավորող փաստաթղթի անվանումը)

(այսուհետ միասին՝ Կողմեր), կնքեցին սույն պայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1. Սույն պայմանագրի համաձայն՝ Մատակարարը Պատվիրատուի նոր գազասպառման համակարգը միացնում է գազամատակարարման ցանցին, իսկ **Վճարում կատարողը** վճարում է միացման համար անհրաժեշտ աշխատանքներին համարժեք վճար, որը ձևակերպվում է որպես հետագայում սպառվելիք բնական գազի դիմաց կանխավճար և մարվում է **Պատվիրատուի** սպառած բնական գազի արժեքից այն նվազեցնելու միջոցով՝ Հայաստանի Հանրապետության հանրային ծառայությունները կարգավորող հանձնաժողովի 2005 թվականի հուլիսի 8-ի «Բնական գազի մատակարարման և օգտագործման կանոնները հաստատելու մասին» N 95-Ն որոշման 1-ին կետով հաստատված բնական գազի մատակարարման և օգտագործման կանոնների (այսուհետ՝ ԳՄՕԿ) 11-րդ գլխով սահմանված կարգով:

2. ԿՈՂՄԵՐԻ ՓՈԽՀԱՐԱԲԵՐՈՒԹՅՈՒՆՆԵՐԸ

2. Մատակարարը պարտավոր է՝

1) Պատվիրատուի դիմումի հիման վրա, ելնելով գազամատակարարման ցանցի թողունակության առավելագույն օգտագործման հնարավորությունից ու

գազամատակարարման հասանելիությունից, նրա գազասպառման համակարգը միացնել գազամատակարարման ցանցին՝ ապահովելով դիմումում նշված տեխնիկական հարաչափերով գազամատակարարման և հաշվառման հնարավորությունը.

2) _____ ավարտել Պատվիրատուի գազասպառման համակարգի միացումը գազամատակարարման ցանցին և Պատվիրատուին ներկայացնել գազամատակարարման պայմանագիր կնքելու առաջարկ:

3. Պատվիրատուն պարտավոր է՝

1) Մատակարարին գրավոր տեղեկացնել ցանկացած փոփոխության մասին, որը կարող է ազդեցություն ունենալ միացման կամ կանխավճարի վճարման ժամկետի վրա.

2) բազմաբնակարան շենքում չգտնվող կազմակերպությունների դեպքում գազասպառման համակարգի շինհավաքակցման աշխատանքները սահմանված կարգով ավարտել սույն պայմանագրի 2-րդ կետի 2-րդ ենթակետում նշված ժամկետից 5 օր առաջ:

4. Վճարում կատարողը պարտավոր է Պատվիրատուի գազասպառման համակարգը գազամատակարարման ցանցին միացնելու համար վճարել _____ դրամ կանխավճարը սույն պայմանագրի 3-րդ գլխում սահմանված կարգով.

3. ԿԱՆԽԱՎՃԱՐԻ ՄԵԾՈՒԹՅՈՒՆԸ, ՎՃԱՐՄԱՆ ԵՎ ՄԱՐՄԱՆ ԿԱՐԳԸ

5. Պատվիրատուի գազասպառման համակարգը գազամատակարարման ցանցին միացնելու համար անհրաժեշտ աշխատանքների արժեքը որոշվում է Մատակարարի կողմից կազմված և սույն պայմանագրի անբաժանելի մասը հանդիսացող՝ աշխատանքների խոշորացված նախահաշվի հիման վրա: Սույն պայմանագիրը կնքելու հետ մեկտեղ Վճարում կատարողը Մատակարարին է ներկայացնում աշխատանքների խոշորացված նախահաշվի հիման վրա որոշված կանխավճարի գումարի 80%-ի վճարումը հավաստող փաստաթուղթը:

6. Կանխավճարի չափը, Պատվիրատուի նոր գազասպառման համակարգը գազամատակարարման ցանցին միացնելու համար անհրաժեշտ աշխատանքների ավարտից 3 աշխատանքային օրվա ընթացքում, ենթակա է ճշգրտման՝ ելնելով Պատվիրատուի նոր գազասպառման համակարգը գազամատակարարման ցանցին միացնելու համար անհրաժեշտ փաստացի կատարված աշխատանքների արժեքից:

Եթե ճշգրտված կանխավճարի չափը տարբերվում է խոշորացված նախահաշվով որոշված կանխավճարի չափից, Վճարում կատարողը և Մատակարարը պարտավոր են 3 աշխատանքային օրվա ընթացքում կատարել փոխադարձ հաշվարկներ:

7. Վճարում կատարողի կողմից վճարված կանխավճարը մարվում է բացառապես ԳՄՕԿ-ով սահմանված կարգով:

4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

8. Սույն պայմանագրով սահմանված պարտավորությունները չկատարելու կամ ոչ պատշաճ կատարելու դեպքում Կողմերը պատասխանատվություն են կրում Հայաստանի Հանրապետության օրենքներով, ԳՄՕԿ-ով և սույն պայմանագրով սահմանված կարգով:
9. Սույն պայմանագրի 2-րդ կետի 2-րդ ենթակետով սահմանված ժամկետի խախտման դեպքում Մատակարարը Պատվիրատուին վճարում է տույժ՝ օրական սույն պայմանագրի 4-րդ կետում նշված կանխավճարի 0.15 տոկոսի չափով, բայց ոչ ավելի, քան կանխավճարը:

5. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ ՄԱԺՈՐ)

10. Կողմերը սույն պայմանագրով սահմանված պարտավորությունների խախտման համար պատասխանատվություն չեն կրում, եթե այն հետևանք է ֆորս մաժորի: Սույն պայմանագրի իմաստով ֆորս մաժոր են համարվում արտակարգ և անկանխելի այն դեպքերն ու հանգամանքները, որոնք առաջացել են կողմերի կամքից անկախ և միևնույն ժամանակ, անկախ վերջիններիս գործադրած ջանքերից, խոչընդոտել են պարտավորությունների կատարմանն ուղղված կողմերի գործողություններին: Սույն պայմանագրի իմաստով արտակարգ և անկանխելի դեպքեր և հանգամանքներ են բնական և տեխնաժին աղետները, բնության ուժերի արտասովոր դրսևորումները (այդ թվում՝ ջրհեղեղներ, երկրաշարժեր, փոթորիկներ, պտտահողմեր, կայծակով և ամպրոպով ուղղորդվող հորդառատ անձրևներ, ձնաբքեր, սողանքներ), գործադուլները, հասարակական անկարգությունները, ահաբեկչությունները,

պատերազմները, ապստամբությունները: Սույն կետը չի սահմանափակում կողմերի իրավունքը՝ նկարագրվածից բացի այլ արտակարգ և անկանխելի դեպքեր և հանգամանքներ ի հայտ գալու պարագայում դիմել Հանձնաժողով՝ դրանք ֆորս մաժոր ճանաչելու համար:

11. Կողմերը պարտավոր են վերոհիշյալ իրավիճակների մասին անհապաղ տեղեկացնել միմյանց՝ նշելով դրանց հետևանքների վերացման հնարավոր ժամկետները:

6. ԼՐԱՑՈՒՑԻՉ ՊԱՅՄԱՆՆԵՐ

12. Մատակարարն ազատվում է սույն պայմանագրի 4-րդ գլխով սահմանված պատասխանատվությունից, եթե պարտավորությունները չկատարելը պայմանավորված է պետական կամ տեղական ինքնակառավարման մարմինների, կամ այլ անձանց կողմից Մատակարարին իրավունքների, թույլտվությունների, եզրակացությունների կամ այլ փաստաթղթերի տրամադրմամբ, որոնց արդյունքում անհնար է դարձել գազասպառման համակարգի՝ սույն պայմանագրում սահմանված ժամկետում գազամատակարարման ցանցին միացումը: Նման հանգամանքեր ի հայտ գալու դեպքում Մատակարարը պարտավոր է հնարավորինս սեղմ ժամկետում տեղյակ պահել Կողմերին և ձեռնարկել բոլոր անհրաժեշտ միջոցներն իր պարտավորությունների հետագա պատշաճ կատարումը ողջամիտ ժամկետներում ապահովելու նպատակով:

7. ԱՅԼ ՊԱՅՄԱՆՆԵՐ (լրացնում են Կողմերը)

13. Սույն գլխում Կողմերի սահմանած այլ պայմանները չեն կարող հակասել սույն պայմանագրին, ԳՄՕԿ-ին և այլ իրավական ակտերին:

8. ՎԵՃԵՐԻ ԼՈՒԾՈՒՄԸ

14. Սույն պայմանագրի առնչությամբ Կողմերի միջև ծագած վեճերը լուծվում են բանակցությունների միջոցով, իսկ Կողմերից մեկի գրավոր դիմումի դեպքում՝ Հայաստանի Հանրապետության հանրային ծառայությունները կարգավորող հանձնաժողովի միջնորդությամբ: Սույն կետը չի սահմանափակում Կողմերի իրավունքը՝ վեճերը լուծելու դատական կարգով:

9. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ, ՓՈՓՈԽՄԱՆ ԵՎ ԼՈՒԾՄԱՆ ԿԱՐԳԸ

- 15. Սույն պայմանագիրն ուժի մեջ է մտնում կնքման պահից և գործում է մինչև սույն պայմանագրով նախատեսված պարտավորությունների կատարման ավարտը:
- 16. Սույն պայմանագիրը կազմված է երեք օրինակից, մեկական՝ յուրաքանչյուր կողմի համար:
- 17. Սույն պայմանագիրը կարող է փոփոխվել կամ լուծվել Հայաստանի Հանրապետության օրենսդրությամբ սահմանված դեպքերում և կարգով:

10. ԿՈՂՄԵՐԻ ԳՏՆՎԵԼՈՒ ՎԱՅՐԸ ԵՎ ՏՎՅԱԼՆԵՐԸ

Մատակարար՝	Պատվիրատու՝
Գտնվելու վայրը _____	Բնակության վայրը _____
Հեռախոս _____	Ծանուցման հասցեն _____
Ֆաքս _____	Անձնագիր _____
Էլ. փոստ _____	Գտնվելու վայրը _____
Հ/հ _____	Հեռախոս _____
Բանկ _____	Ֆաքս _____
Գործունեության լիցենզիա N _____	Էլ. փոստ _____
Ղեկավար _____	ՀՎՀՀ _____
_____	Հ/հ _____
(ստորագրություն, անուն, ազգանուն)	Բանկ _____
	Ղեկավար (ֆիզիկական անձ)

(ստորագրություն, անուն, ազգանուն)

Վճարում կատարող՝

Բնակության վայրը _____

Ծանուցման հասցեն _____

Անձնագիր _____

Գտնվելու վայրը _____

Հեռախոս _____

Ֆաքս _____

Էլ. փոստ _____

ՀՎՀՀ _____

Հ/h _____

Բանկ _____

Ղեկավար (ֆիզիկական անձ)

(ստորագրություն, անուն, ազգանուն)

Ցանկ

Հ/Հ	Դպրոցի անվանումը	Հասցեն	Անհրաժեշտ պահանջարկ (հս/մ/ժամ)
1	Մազիսի թիվ 3 հիմնական դպրոց	Արարատի մարզ, Մասիս, Դպրոցականների փող., 24	70
2	Սասունիկի միջնակարգ դպրոց	Արագածոտնի մարզ, Սասունիկ գյուղ, 20-րդ փողոցի 1-ին փակուղի, 1 շենք	87.6
3	Վանաշենի միջնակարգ դպրոց	Արարատի մարզ, գ. Վանաշեն Կամո Այոյան 22	87.6
4	Հայանիստի միջնակարգ դպրոց	Արարատի մարզ, գ. Հայանիստ, Հայկ Բժշկյանց 6	87.6
5	Արագածավանի թիվ 1 միջնակարգ դպրոց	Արագածոտնի մարզ, Արագածավան գյուղ, Բաղրամյան փող., 88 շենք	87.6
6	Մրգաշատի թիվ 1 միջնակարգ դպրոց	Արմավիրի մարզ, Մրգաշատ գյուղ, 5-րդ փողոց, 15 շենք	87.6
7	Երևանի Ջիվան Աբրահամյանի անվան թիվ 111 հիմնական դպրոց	Երևան, Լուկաշիկի 1-ին փողոց, 5 շենք	63